

里堂學算記五種

數爲六藝之一而廣其用則天地之綱紀羣倫之統系也天與星辰之高遠非數無以效其靈地域之廣輪非數無以步其極世事之糾紛繁賾非數無以提其要通天地人之道曰儒孰謂儒者而可以不知數乎自漢以來如許商劉歆鄭康成賈逵何休韋昭杜預虞喜劉焯劉炫之徒或步天路而有驗於時或著算術而傳之於後凡在儒林類能爲算後之學者喜空談而不務實學薄藝事而不爲其學始衰降及明代寢以益微閒有二士大夫畱心此事而言測圓者不知天元習回回法者不知最高謬誤相仍莫能是正步算之道或幾乎息

矣欽惟我

國家稽古右文昌明數學

聖祖仁皇帝御製數理精蘊

高宗純皇帝欽定儀象考成諸編研極理數綜貫天人

鴻文寶典

日月昭垂固度越乎軒轅隸首而上之以故海內爲學

之士甄明度數洞曉幾何者後先輩出專門名家則有

若吳江王晁闇

錫闇

淄川薛儀甫

鳳祚

宣城梅徵君

文

鼎

儒者兼長則有若吳縣惠學士

士奇

婺源江慎修

永

休寧戴庶常

震

莫不各有饌述流布人間蓋我

朝算學之盛實往古所未有也江都焦君里堂與元同居北湖之濱少同遊長同學里堂湛深經學長於三禮而於推步數術尤獨有心得比輯其所著加減乘除釋八卷天元一釋二卷釋弧三卷釋輪二卷釋橢一卷總而錄之名曰里堂學算記書成而屬元序之元思天文算法至今日而大備而談西學者輒詆古法爲舛疏不足道于是中西兩家遂多異同之論然元嘗稽攷算氏之遺文泛覽歐邏之述作而知夫中之與西枝條雖分而本幹則一也如西法三率比例卽古之今有術重測卽古之重今有借衰卽衰分之列衰疊借卽盈不足之

假令今之三角卽句股借根方卽立天元一至於地爲圓體則曾子十八篇已言之七政各有本天與郄萌日月不附天體之說相合月食入於地景與張衡蔽於地之說不別熊三拔簡平儀說寓渾於平而崔靈恩已立義以渾蓋爲一矣的谷四方行測朔蒙氣反光之差而安岌已云地有游氣蒙蒙四合矣其它若天周三百六十度則邵康節亦嘗言之日周九十六刻則梁天監中嘗行之以此證彼若符節之合然則中之與西不同者其名而同者其實乃彊生畛域安所習而毀所不見何其陋歟里堂會通兩家之長不主一偏之見於古法穿

穴十經研求三數而折中乎劉氏徽之注九章西法隨
事立說闡其隱祕而日月五星之果有小輪與夫日月
五星本天之果爲橢圓與不則存而不論昔蔡中郎撰
十意未竟上言欲思惟精意扶以文義潤以道術著成
篇章今里堂之說算不屑屑舉夫數而數之精意無不
包簡而不遺典而有則所謂扶以文義潤以道術者非
邪然則里堂是記固將以爲儒流之典要備六藝之篇
籍者矣元少畧涉斯學心鈍不能入深且以供職中外
斯事遂廢今見里堂成此書敬且樂焉吾鄉通天文算
學者

國朝以來惟泰州陳編修厚耀最精今里堂之學似有過之無不及也

嘉慶四年冬

經筵講官戶部左侍郎兼管國子監算學事務阮元撰序

算之爲術可隨事以立名而皆不外於乘除加減加減者乘除之所自出然非乘除不足以盡加減之用故有四者而算法備矣古今算家多列其目句股旁要量測既同開方少廣層累則一差分之外申之以均輪方程之後繼之以盈朒因其小別遂爲區分揆厥指歸豈有歧義夫不明其旨則易地致惑深究其理則後起可推竊以此義求之古先蓋論法者居多言理者絕少卽閒有之亦與法相淆而於舉綱挈領之要未盡合也今之爲是學者吳縣李尙之銳歛縣汪孝嬰萊吾邑焦里堂循三子者善相資疑相析孝嬰之學主於約在發古人

之所未發而正其誤其得也精尙之之學主於博在窮
諸法之所由立而求其故其得也貫理堂則以精貫之
旨推之於平易以爲理本自然取劉徽注九章算術之
意著加減乘除釋八卷凡弧矢之相求正負之相得方
員凸凹之異形齊同比例之殊制靡不先列其綱次疏
其目俾學者可窮源以知流揣本而齊末其於二子之
學蓋相輔而實相成矣夫由疎之密今古非有殊途因
難而易中西本無二轍雖稱名舉類優絀互形正其權
輿一言可解古人好學深思必曰心知其意里堂之書
殆周髀以來諸書之統紀不獨劉氏之功臣也已

三年夏五月江都黃承吉序

加減乘除釋卷一

江都焦循學

劉氏微之注九章算術猶許氏慎之撰說文解字士
生千百年後欲知古人仰觀俯察之旨舍許氏之書
不可欲知古人參天兩地之原舍劉氏之書亦不可
嘉定錢溉亭先生塘謂說文一部之中聲無統紀因
取許氏書離析合并重立部首系之以聲其書雖未
成迄今講說文者頗宗其意以著書循謂古人之學
期於實用以久百工察萬品而作書契分別其事物
之所在俾學者案形而得聲若夫聲音之間義蘊精

微未可人人使悟其旨趣此所以主形而不主聲也
惟算亦然既有少廣句股又必指而別之曰方田曰
商功既有衰分盈不足方程又必明以示之曰粟米
曰均輸亦指其事物之所在而使學者人人可以案
名以知術也然名起於立法之後理存於立法之先
理者何加減乘除四者之錯綜變化也而四者之雜
於九章則不啻六書之聲雜於各部故同一今有之
術用於衰分復用於粟米同一齊同之術用於方田
復用於均輸同一弦矢之術用於句股復用於少廣
而立方之上不詳三乘以上之方四表之測未盡三

率相求之例。踵其後者。又截粟米爲貴賤衰分。移均輸爲疊借互徵。名目旣繁。本原益晦。蓋九章不能盡加減乘除之用。而加減乘除可以通九章之窮。孫子張邱建兩書似得此意。乃說之不詳。亦無由得其會通。不揆淺陋。本劉氏之書。以加減乘除爲綱。以九章分注而辨明之。草創於乾隆甲寅之秋。明年爲齊魯遊。遂中輟。嘉慶二年丁巳。授徒村中。無酬應之煩。取舊橐細爲增損。得七卷。竊比於漑亭之於說文。庶幾與劉氏相表裏焉。倘有缺誤。願識者補而正之。幸甚。時十二月大寒日。

以甲當甲爲適足以甲當乙爲盈以乙當甲爲朒

數之多少無定少至於一而絲忽之下尚有塵沙多
至於萬而兆秭之上尚有溝洫惟是兩數相比而後
爲盈爲朒爲適足乃定故算法起於相比也論數之
理取於相通不偏舉數而以甲乙明之古之次第皆
乙下於甲用其意以甲當盈以乙當朒

以甲加甲爲倍之

以乙加乙以丙加丙以丁加丁並同

兩相當未相入也加減則相入矣兩甲數爲適足故
相加爲倍也

以甲減甲爲減盡

減盡之法爲除法開方法之止境用之於方程者尤精蓋除法者除其所乘開方者除其所自乘故必減盡而除乃止除法開方法之有減盡正也方程馭錯糅正負數色相錯不可以囫圇得之其兩色者必先去其一色故互乘之後列首位者對減必盡對減盡則一色去矣數既錯糅則一色減盡一色減之必不盡惟三色者兩行互有空位互相減而其下位者適盡則爲兩色之較適足與首位之減盡者又異矣如馬一騾一其載四石二斗騾二驢一其載四石二斗馬一驢三其載四石二斗馬首位減盡此去其一色

也。右中之騾一，左下之驢三，所對皆空而未列之載數。左右均四石二斗減盡，此爲騾一較驢三，其載適足。與兩馬之減盡不同也。蓋適足者相當之名，減盡者相入之名。相入則兩數皆去，故曰盡相當則兩數尚存。故曰適盈不足術有適足，而非出於相減。盈不足之所與適足者隱伏不見，而所見之兩盈兩朒以兩率互乘之，斷無適足之理。故方程有減盡有適足，盈不足有適足無減盡也。

以甲中分爲半之。

半之亦曰折半。於除法爲二而一。

遞相倍爲自倍遞相半爲自半

九章算術衰分云今有女子善織日自倍術云置一二四八十六爲列衰蓋倍一爲二倍二爲四倍四爲八倍八爲十六所謂自倍也又盈不足題云蒲生一日長三尺莞生一日長一尺蒲生日自半莞生日自倍問幾何日而長等又題云垣厚五尺兩鼠對穿大鼠日一尺小鼠亦日一尺大鼠日自倍小鼠日自半問幾何日相逢

三分甲以二爲太半以一爲少半

太半卽大半少半卽小半衰分術云田一畝收粟六

升太半升商功術云圓囷高一丈三尺三寸少半寸

是也

少半寸猶言少於半寸非謂缺少半寸也

有甲乙欲得其中平則相加而半之欲仍得甲乙則倍之而相減

方田章邪田術云并兩邪而半之邪田爲一句股一縱方相連形并而半之則成一縱方形也箕田術云并踵舌而半之箕田爲兩句股夾一縱方形并而半之亦成一縱方形也推此而商功章城垣隄溝塹渠術云并上下廣而半之緝古算經造仰觀臺美道術云半上下廣差又云以上下廣差并上下表差半之

蓋無論爲冪爲體爲差有上下廣之不齊必用是法以齊之其方田章環田術云并中外周而半之商功章曲池術云并上中外周而半之以爲上袤亦并下中外周而半之以爲下袤此內周小於外周猶上廣小於下廣故并而半之以齊其不齊也以不齊之邊求積如是若以積求不齊之邊必倍中平廣數減上得下減下得上無可疑矣商功穿地爲垣術云置垣積尺以深袤相乘爲法所得除得中平廣數倍之減上廣餘卽下廣是也句股章句弦并與股求句弦術云令七自乘亦令三自乘并而半之以爲甲邪行率蓋七爲

句弦并三爲股凡句弦并自乘爲句乘句股并者二
句弦差乘句弦并者一句弦差乘句弦并同於股自
乘之數故以股自乘并句弦并自乘而半之適得中
平所以用爲邪行率者雖別見通率之巧句乘句弦并加句弦
差乘句弦并是弦乘句弦并也於句弦并自乘數中
減去弦乘句弦并是餘句乘句弦并也以句乘句弦
并爲句率以弦乘句弦并爲弦率因以股乘句弦并爲股率故爲率之巧而并而半之之
意則無殊也

得數視所求爲倍者則豫半之視所求爲半者則豫倍
之

乘必正方而後得數其方不正亦必正之則積數必

浮於本數故豫半其邊以求其合方田圭田術云半廣以乘正從圭田卽兩要相等之三角形正從卽中垂綫以中綫爲界以左補右成正方形而底綫適相半也均輸術云今有客馬日行三百里客去忘持衣日已三分之一主人乃覺持衣追及與之而還至家視日四分之三問主人馬不休日行幾何術曰置四分日之三除三分日之一半其餘以爲法副置法增三分日之一以三百里乘之爲實此因四分日之三爲客馬之行與主人往還之行相加之數三分日之一爲客馬單行之數旣減去此數餘爲主人往還之


數今止用主人追及之數爲率故半之也又句股葭池術云半池方自乘題云池方一丈葭生中央引葭赴岸適與岸齊自中央至岸適得池之半故亦於正而求其偏也又邑方二百步各中開門出東門十五步有木問出南門幾何步見之術曰出東門步數爲法半邑方自乘爲實半邑方者自中開門用自門至城隅爲股適當城之半猶葭生池之中而至岸也孫子算經云有獸六首四足禽四首二足上有七十六首下有四十六足問禽獸各幾何術曰倍足以減首餘半之卽獸以四乘獸減足餘半之卽禽蓋每首之

數十每足之數六。以一獸一禽言倍足減首每獸尙餘二首

故半之得獸數以四足乘之是爲獸足共數於禽獸共足中減獸之共足餘每禽二足故半之得禽數又雉兔同籠上有三十五頭下有四十九足問雉兔各幾何術曰上置頭下置足半其足以頭減足以足減頭卽得蓋雉兩足兔四足半之是雉一足兔兩足矣一足與一頭相若故減去頭數所餘卽兔足有一足卽一兔矣約分之術云可半則半之相其題施其術諸用半之之義不外是言也倍與半爲向背圭田求積半廣以乘正從若求廣則倍積以開方之矣知半

之理。卽知倍之理也。孫子算經云。今有方田。桑生中
央。從角至桑。一百四十七步。問田幾何。術云。置角至
桑。倍之以五。乘之以七。除之。自相乘。以二百四十步
除之。卽得。蓋中央至角。僅得邪行之半。故倍之而弦
數乃全。凡弦自乘。倍於方田自乘。旣倍爲弦。則自乘
而半之。可矣。今以五乘七。除七。當作十五。乘不啻二
除。卽半之爾。又三雞共啄粟一千一粒。雞啄一。母啄
二。翁啄四。主責本粟。三雞主各償幾何。術云。置粟一
千一粒爲實。并三雞所啄七粒爲法。除之。爲雞雞主
所償之數。遞倍之。卽得母翁主所償。此爲衰分之常

法而遞倍之者因一二四爲遞倍亦相其題施其術焉爾



甲丙乘甲丁爲甲丙乙丁縱方積二十四半之得甲乙丁句股形若先半甲丙爲甲己以乘甲丁得甲己戊丁十二亦即甲乙丁積數也

以乙加甲則差隱以乙減甲則差見

甲乙其有差者也既相加乙卽化於甲中惟以乙減

甲則甲中去一乙主客兩乙俱減盡然甲本盈於乙減去兩乙乙盡矣甲尙有所畱則差也加者容納之謂故長短偏雜之皆渾減者鑒別之謂故纖豪稊末之盡露二者相爲用而數可定矣緝古算經謂差爲多數少數

以甲加乙或以乙加甲其和數等於和數減甲得乙減乙得甲其較數必不等

和卽古所謂并較卽古所謂差加減者用法之名和較者得數之名甲乙本有差相加則無差故無論甲加乙乙加甲其得數必等若復以甲乙互減之則仍


有差矣。既有差，則數自不相等也。惟和數等，故用加者，可以相通。惟較數不等，故用減者，必不容相借。

以甲加乙，以乙加甲，則差平。以甲加甲，以乙加乙，則差倍。以甲加甲，以甲加乙，或以乙加甲，以乙加乙，則差如初。以丙減甲，以丙減乙，或以丁減甲，以丁減乙，則差亦如初。

甲本盈，以乙消之。乙本朒，以甲補之。故有差而無差。此互加互乘之法所由用也。詳見後甲盈又益以甲，乙

朒止，益以乙。有兩甲乙，卽有兩甲乙之差，故倍之也。同加以甲，同加以乙，原數雖增，而原差不增。同減以

丙同減以丁原數雖損而原差不損論數之理甲乙
 不足以括之又假丙以次乙假丁以次丙云爾後用戊己
 庚辛壬
 癸亦然



		乙加甲
		減乙甲
甲加乙		
		平差

		甲加甲
		減乙甲
乙加乙		
		差倍

		由加
		由減
由加	2	
		初差如

		2減
		由
2減	2	
		初差如

上 數 由	上 數 由
中 數 2	中 數 2
初	差 如




上 數 由	上 數 由
中 數 2	中 數 2
初	差 如

以乙加甲以丙加乙或以丙加甲以丁加乙則差必增
 反是以減則差必損以乙加乙以丙加甲或以丙加乙
 以丁加甲則差必損反是以加則差必增若乙丙之差
 如甲乙之差則以乙加乙以丙加甲或以乙減甲以丙
 減乙其差皆平以乙加甲以丙減乙差之增如乙丙之


和加甲乙之差以乙加乙以丙減甲差之變如乙丙之和減甲乙之差

甲盈乙朒故有差乙盈兩朒亦有差今以盈加盈以朒加朒是於甲乙差又增一乙丙之差矣若以朒加盈以盈加朒是甲乙差損去一乙丙之差矣所以不能平者以乙丙之差殊於甲乙之差也其差亦有同者如二四之差二四六之差亦二以二加六以四加四皆得八於四減二於六減四皆得二固不必以四加二以二加四而後皆爲六也甲盈又加乙是盈益其盈乙朒又減丙是朒益其朒合此盈朒爲所增之


差矣甲盈而減丙是盈變爲朒乙朒而加乙是朒變
 爲盈合此一盈一朒爲甲少於乙之差因本是乙少
 於甲故又必減去此原差也



甲乙差同于丙
 丁差故差平



差如乙丙和減甲乙差



本為甲盈于乙既加減
則乙轉盈于甲

減乙於甲而加丙則甲少一丙乙之差減丙於甲而加乙則甲多一丙乙之差

乙盈於丙丙胸於乙取盈而償胸則所償自不及於所取取胸而償盈則所償自過於所取

		甲
加丙	甲減乙	
$\frac{甲}{乙} = \frac{丙}{丁}$		

		甲
加乙	甲減丙	
$\frac{甲}{乙} = \frac{丙}{丁}$		

有二甲減此以加彼其差必倍於所減之數半其差以
 加於胸則等有三甲減左以加右其差必倍於中差半
 左右之差得中差倍中差得左右之差減此以加彼則
 此胸而彼盈減左以加右則左中視右為兩胸右中視
 左為兩盈左右視中為一盈一胸以兩盈兩胸之差相
 加如一盈一胸之相加

同名相減異名相加所以爲兩盈兩朒及一盈一朒者爲之法也云兩盈云兩朒云一盈一朒必有三色而後有此較若二色則此之盈必彼之朒不獨無兩盈無兩朒亦並無一盈一朒之名故九章盈不足術起於三色知起於三色則同名之相減異名之相加不待解而釋然矣

丙	乙	甲
丙	乙	甲
	乙	甲
		丙

甲乙丙皆三減丙之一以加于甲則甲四丙二甲盈于丙二乙盈于丙一爲兩盈相減得甲乙之差乙朒于甲一丙朒于甲二爲兩朒相減得乙丙之差甲盈于乙一丙朒于乙一爲一盈一朒相加爲甲丙之差

甲本盈於乙。又減乙以加甲。爲一盈一朒。甲本盈於乙。今減甲以加乙。爲兩盈。乙本朒於甲。今減甲以加乙。爲兩朒。

此兩色亦有兩盈。亦有兩朒。及一盈一朒。蓋本有盈。朒在先。雖二色猶之三色也。甲盈於乙。是甲盈減乙。是乙朒。乙之朒。仍甲之盈。甲本盈。是乙本朒。盈皆在甲。朒皆在乙。故爲一盈一朒。盈而又盈。非加法乎。甲本盈。是甲盈減甲加乙。是乙亦盈。故爲兩盈。或甲盈多加乙者。少則盈仍在甲。或加乙之數過於本盈之數。則盈轉在乙。故必減也。兩朒之理亦然。

甲	甲
乙	甲
	甲
	乙

甲盈于乙本一又減乙之一以加于甲當差一則相加為差三

甲	甲
乙	乙
	甲
	甲

甲盈于乙本一今減甲之二以加乙當差四相減為差三

兩數相等減此以加彼復減彼以加此所加同則兩數仍相等所加不同則兩數之差倍於所加之差

此所謂交易此減多彼減少已有差數此加少彼加多又有差數而所加即原於所減故其差為倍也張邱建算經題云金方七銀方九秤之適相當交易其

一則金輕七兩問金銀各重幾何法以相差七兩半之爲一之較蓋惟差倍於所加今惟計所加者之較故半其差也九章算術方程題云五雀六燕集稱之衡雀俱重燕俱輕一雀一燕交而處衡適平并燕雀重一斤術云如方程交易質之各重八兩此本有差而交易得平雖有總數可分得其平數而燕雀相雜故必以方程得之也

甲	甲
甲	甲
甲	甲
乙	甲
乙	乙
乙	乙

甲乙各六以甲之二加乙以乙之三加甲二與三之差止一而五與七之差已二二于一爲倍于所加之差

減甲則數與乙等者倍甲乙以相減其差必倍於減甲之數加乙則數與甲等者倍甲乙以相減其差必倍於加乙之數減甲以加乙則數與乙等者倍甲乙以相減其差必四倍於減甲加乙之數

減甲而後等是甲盈於乙均倍之其差之亦倍不待智者知之也加乙而後等是乙朒於甲均倍之其差之亦倍又不待智者知之也若減甲以加乙而後等是甲之盈於乙本倍於所減乙之朒於甲本倍於所加今均倍之故甲之所盈必四倍於所減之數也四倍之理無異倍差之理耳

甲	甲
甲	甲
乙	甲
乙	甲

甲六乙二減甲之二以加乙則均四

甲	甲
甲	甲
乙	乙
乙	乙

相減甲差八較前加之甲二為四倍

甲	甲
倍甲	倍甲
倍甲	倍甲
倍甲	倍甲
倍甲	倍甲
倍甲	倍甲

減乙之數而甲倍者倍乙以減甲其差必倍於減乙之數加甲之數而甲倍於乙者倍乙以減甲其差必倍於加甲之數減乙以加甲而甲倍於乙者倍乙以減甲其差必三倍於加甲之數

甲倍乙必倍乙而後與甲等前條甲乙等故倍甲乙

此甲倍乙故止倍乙前條甲乙並倍故四倍於所減

此止倍乙故三倍於所減蓋止減乙是乙雖本盈謂本

盈於既減之後而甲不胸故倍乙而乙之盈倍甲之

不胸自若也或止加甲是甲雖本胸謂本胸於既加

也而乙不盈故倍乙而所以當甲之胸者亦倍此外

乙別無所盈也減乙加甲是乙之盈本倍於所減爲

加減之常例又倍乙而不倍甲是甲止胸一而乙已

盈兩故不爲四倍而爲三倍也由此推之乙雖三倍

四倍以至十倍而乙之盈隨倍而增甲之胸長爲一

而自若也

甲	甲	甲	甲	甲	甲	甲
乙	乙	乙	乙	減	減	

甲八乙六減乙之二則
甲倍于乙

甲	甲	甲	甲	甲	甲	甲
乙	乙	乙	乙	乙	倍	倍

倍乙六為十二與甲八相減差四
為倍于前圖所減之二

甲	甲	甲	甲	甲	乙	乙
乙	乙	乙	乙			

甲六乙六減乙之二以加于甲則甲八
乙四為甲倍于乙

甲	甲	甲	甲	甲	甲	甲
乙	乙	乙	乙	乙	倍	倍

倍乙六為十二與甲六相減差六
為三倍于前圖所減之二

有甲乙之全數則較其全以得其差有甲乙之差數則
舍其差以得其平

張邱建算經云。今有率戶出絹五匹。依貧富欲以九等出之。令戶各差除二丈。今有上上三十九戶。上中二十四戶。上下五十七戶。中上三十一戶。中中七十戶。中下四十三戶。下上二十五戶。下中七十六戶。下一十三戶。問九等戶各應出絹幾何。術曰。置上八等戶各求積差。上上戶十六。上中戶十四。上下戶十二。中上戶十。中中戶八。中下戶六。下上戶四。下中戶二。各以其戶數乘而併之。以出絹匹丈數乘凡戶所得以併數減之。餘以凡戶數而一。所得卽下下戶遞加差各得上八等戶所出絹疋丈數。孫子算經

云今有五等諸侯共分橘子六十顆人別加三顆問五人各得幾何術曰先置人數別加三顆於下次六顆次九顆次十二顆上十五顆副并之得四十五以減六十顆餘人數除之人得三顆各加不并者上得一十八爲公分次得一十五爲侯分次得十二爲伯分次得九爲子分下得六爲男分二者之術一也差之相去等者謂之錐行甲無差乙之差一丙之差二丁之差三戊之差四己之差五庚之差六辛之差七壬之差八癸之差九

九章算術均輸術云置錢錐行衰注云謂如立錐又

金筭五尺舉首尾以問其中術云以四閒乘之蓋數有五則閒有四推之十則閒九二則閒一皆退一之率也

錐行差式



以甲減癸其差必九倍於甲乙以甲減壬其差必八倍於甲乙以甲減辛其差必七倍於甲乙以甲減庚其差

必六倍於甲乙以甲減己其差必五倍於甲乙以甲減戊其差必四倍於甲乙以甲減丁其差必三倍於甲乙以甲減丙其差必二倍於甲乙

其差遞增其兩兩相比之差必等故其首尾之差必視其間數爲倍數也蓋依其倍數而乘之則自壬癸可以得甲癸依其倍數而除之則自甲癸可以得壬癸劉氏於金鑑之術謂以四約之卽得每尺之差者其理如是也

ॐ

乙差

附

丙差差

14

下差差差

解

戊差差差差

三

己差差差差

25

庚差差差差差

11

辛差差差差差差

附

士差差差差差差差差

91
14

癸差差差差差差差差

12

凡奇數并本末而半之卽中之奇倍中之奇卽本末之并數凡偶數并本末卽中之偶并中之偶卽本末之并數

奇皆視乎三。偶皆視乎二。自中之奇至本以遞減。至末以遞增。減與增。遞相補也。自中之偶至本至末。其相補亦然。惟視奇多半差之增減耳。張邱建算經題云。今有與人錢。初一人與三錢。次一人與四錢。次一人與五錢。以次與之。轉多一錢。與訖。還斂聚與均分之人。得一百錢。問人幾何。草曰。置人得錢一百。減初人錢三文。得九十七。倍之。加初人得一百九十五。此一百卽中之奇。自此至初人爲遞減。至與訖爲遞增。恰爲一人一錢。故倍錢卽得人數也。減初人者。自三文起。是一百少二人。倍之。少四人。初人無對。又少一

人此三文止得一人與一文得一人不類故先減得數而又加也是數在加減之理爲盈不足易加減爲乘除則爲衰分之比何也三數相次中之盈於上猶下之盈於中

上中下或四五六或三五七或二五八皆是

故倍中卽上

下之合數半上下之合數卽中數倍中數加一倍也中數自乘則加數倍也於是亦以上乘下爲互加數倍則爲三率比例自一至十乃天地自然之數而盈不足之至精至妙不離乎是西人用爲對數表以加減代乘除其理固如是爾

五—四—三—二—一
五—六—七—八—九

五—四—三—二—一
六—七—八—九—十

四—三—二—一
六—五—四—三
四—五—六—七
六—七—八—九

四—三—二—一
五—六—七—八

六—五—四—三
七—八—九—十

三—二—一
三—四—五

七—六—五
七—八—九

三—二—一
四—五—六

七—六—五
八—九—十

二一

八一七

二一三

八一九

二一

八一七

三一四

九一十

并甲乙而半之減半差得甲加半差得乙并甲丙而半
之卽乙減差得甲加差得乙并甲丁而半之得乙丙并
而半之之數減半差得乙加半差得丙減差得甲加差
得丁

差倍於所減則欲補其所減必半差矣甲丙之差既倍於甲乙故自乙加損之也於此可悟衰分盈朒相

表裏
詳見卷七

乙	甲
乙	乙

半差

丙	乙	甲
丙	乙	丙

丁	丙	乙	甲
丁	丙	乙	丁
丁	丙	丙	丁

半差

并甲乙而半之并壬癸而半之相減卽壬甲之差并甲

乙而半之并辛壬而半之相減卽辛甲之差并甲乙而半之并庚辛而半之相減卽庚甲之差并甲乙而半之并己庚而半之相減卽己甲之差并甲乙而半之并戊己而半之相減卽戊甲之差并甲乙而半之并丁戊而半之相減卽丁甲之差并甲乙而半之并丙丁而半之相減卽丙甲之差

差依數而遞增故得其差而以間數除之得相去之率若以甲乙并又以壬癸并則差數已和減得之差非真差矣欲於和之中得其真差故用并而半之之法甲乙相較其差一并而半之各得半差壬癸相較

其差一并而半之亦各得半差合兩半差爲一整差
自癸至甲其差本九今合去其一則化九爲八是不
爲癸至甲而爲壬至甲也凡舉本末之偶數其差者
視乎此如丁之於甲其差三今并甲乙爲三并丙丁
爲七相減得四非丁差也必半甲乙之三爲一五半
丙丁之七爲三五是甲有乙差之半丙有丁差之半
甲於正數旣多半差丁又嫁半差於丙兩相減是丁
較原差爲去其一矣較原差雖去其一乃已化和數
而爲單數直變三間爲二間以除之無不合矣

丁	丙	乙	甲
丁	丙	乙	乙
丁	丙		
丁	丁		

并甲丙而半之并辛癸而半之相減卽辛甲之差并甲
 丙而半之并庚壬而半之相減卽庚甲之差并甲丙而
 半之并己辛而半之相減卽己甲之差并甲丙而半之
 并戊庚而半之相減卽戊甲之差并甲丙而半之并丁

己而半之相減卽丁甲之差。

偶數并而半之甲多半差癸少半差奇數并首尾而半之甲多一差癸少一差多半差少半差合之爲一差癸之九差減一差爲八差如壬甲多一差少一差合之爲二差癸之九差減二差爲七差如辛甲故凡并本末兩數之和則用偶數并半之法凡并本末三數之和則用奇數并半之法若甲丙乙丙和數六丁戊己和數十五己甲之原差五今以六減十五差九視五殊矣故兩相并半以加減之知甲借丙差之一已分一差於丁爲損去原差之二也。

己	戊	丁	丙	乙	甲
己	戊	丁	丙	乙	丙
己	戊	丁			
己	戊	丁			
己	戊	己			

并甲丁而半之并庚癸而半之相減卽庚甲之差并甲丁而半之并己壬而半之相減卽己甲之差并甲丁而半之并戊辛而半之相減卽戊甲之差

甲分丁之一差有半辛以一差有半與戊合之較原差爲少三故癸如庚壬如己辛如戊也

甲	丁	丁	丁	丙	丙	乙	乙	丙	丙	丁	丁	戊	戊	己	己	庚	庚	辛	辛	辛	辛	辛	辛
---	---	---	---	---	---	---	---	---	---	---	---	---	---	---	---	---	---	---	---	---	---	---	---

并甲乙而半之并辛癸而半之相減如辛甲之差盈半
 差并甲乙而半之并庚壬而半之相減如庚甲之差盈
 半差并甲乙而半之并己辛而半之相減如己甲之差
 盈半差并甲乙而半之并戊庚而半之相減如戊甲之

差盈半差并甲乙而半之并丁巳而半之相減如丁甲之差盈半差并甲乙而半之并丙戌而半之相減如丙甲之差盈半差

甲分乙之半差戊以一差與丙合之較原差爲少一差半是較丙甲盈半差也此奇偶雜舉之例

甲	乙	丙	丁	戊
乙	丙	丁	戊	甲
丙	丁	戊	甲	乙
丁	戊	甲	乙	丙
戊	甲	乙	丙	丁

并甲乙而半之并庚癸而半之相減如辛甲之差并甲

乙而半之并己壬而半之相減如庚甲之差并甲乙而半之并戊辛而半之相減如己甲之差

甲乙兩數并半甲多半差戊辛間兩數并半辛少一差半合爲二差故退二差也此首尾雖皆偶而多寡不同之例首二尾六首四尾八之類可類推

并甲丙而半之并己癸而半之相減如庚甲之差亦如辛乙之差壬丙之差并甲丙而半之并戊壬而半之相減如己甲之差亦如庚乙之差辛丙之差并甲丙而半之并丁辛而半之相減如戊甲之差亦如己乙之差庚丙之差

甲丙并半甲多一差丁辛間三數并半辛少二差合之少三差辛甲退三差如戊甲矣此首尾皆奇而多寡不同之例三之與七五之與九可類推總之不離乎三奇兩偶之義而已矣

并乙丙之差并丁戊之差相減爲甲之平率則甲乙丙之共數必等於丁戊之共數并乙丙丁之差并戊己之差相減爲甲之倍平率則甲乙丙丁之共數必等於戊己之共數并乙丙丁戊之差并己庚之差相減爲甲之三倍平率則甲乙丙丁戊之共數必等於己庚之共數并乙丙丁戊己之差并庚辛之差相減爲甲之四倍平

率則甲乙丙丁戊己之共數必等於庚辛之共數并乙丙丁戊己庚之差并辛壬之差相減爲甲之五倍平率則甲乙丙丁戊己庚之共數必等於辛壬之共數并乙丙丁戊庚辛之差并壬癸之差相減爲甲之六倍平率則甲乙丙丁戊己庚辛之共數必等於壬癸之共數

九章算術均輸有題云今有五人分五錢令上二人所得與下三人等問各得幾何術曰置錢錐行衰并上二人爲九并下三人爲六六少於九三以三均加焉副并爲法以所分錢乘未并者各自爲實實如法得一錢按此理不易了蓋以全數言之且因二三減

得一可少一除未嘗明其倍數也。若舍其平率而用其差。甲無差。乙差一。丙差二。合三。丁差三。戊差四。合七。以七減三。是丁戊之差多於乙丙者四也。丁戊之差多於乙丙。而甲乙丙較丁戊之數多一甲。故以差之減餘爲甲之平率。以當丁戊差之盈。其餘兩兩亦相當矣。此甲乙丙與丁戊止多一甲也。設甲乙丙丁與戊己則多甲乙。又必以戊己差之盈當甲乙兩數。當甲乙兩數則差之盈當兩平率矣。推此而當三平率以上。無不皆然。以數之盈除差之盈。自得平率也。或用全數。或用差數。皆合者。全數於差帶平率一。故

每數加三連甲而較之也。差數於全數去平率一。故以減餘爲甲數。離甲而較之也。劉氏謂假令七人分七錢。欲令上二人與下五人等。則上下部差三人。并上部爲十三。下部爲十五。下多上少。下不足減上。當以上下部列差而後均減。乃合所問耳。列差而後均減者。不用全數而用差數也。全數上少下多。差數上合得十一。下合得十。是亦上多下少也。杜知耕數學鑰用自乘。令五十五減八十五。亦爲上多下少。蓋上之數少。下之數多。平率各當數之一。連平率則下之附者多。故化少爲多。去平率則上之舍者少。故多不

移爲少也。

				甲
				甲
				甲
				甲
戊	丁	丙	乙	
戊	丁	丙		
戊	丁			
戊				

并甲乙兩單數半之。并壬癸兩單數半之。以減自甲至
 癸之數。卽壬甲之差。與兩偶數并半。相減等。并甲乙丙
 三單數半之。并辛壬癸三單數半之。以減自甲至癸之
 數。卽辛甲之差。與兩奇數并半。相減等。并甲乙丙三單
 數半之。并庚辛壬癸四單數半之。以減自甲至癸之數。

卽辛甲之差盈半差與奇偶雜舉并半相減等

并全數者并一二爲三并九十爲十九是也并差數

者并一二三之差爲三并八九十之差爲二十四

甲辛

甲壬甲
癸之差

是也并單數者卽去差之列數并一二三爲

三并八九十亦爲三并一二三四爲四并五七八

亦爲四渾舉其目之名也用其全與用其差旣屬相

通用其去差之率與用其去率之差亦何爲其不通

耶九章算術均輸題云有竹九節下三節容四升上

四節容三升問中間二節欲均容各多少術曰以下

三節分四升爲下率以上四節分三升爲上率上下

率以少減多餘爲實置四節三節各半之以減九節
餘爲法實如法得一升卽衰相去也上四分三卽并
甲丙而半之也下三分四卽并己壬而半之也上下
節以少減多卽以兩并而半者相減也知甲丙知己
癸而後可用并而半之法此渾舉三節四節故用除
以得平數法少殊而義正合也四節三節各半之卽
并甲乙丙三單數半之并己庚辛壬四單數半之也
以減九節者卽以并而半者與自甲至壬之九數減
也并甲一丙三半之爲二并己六壬九半之爲七五
相減得五五并甲乙丙半之爲一五并己庚辛壬半

之爲二合三五與九相減亦得五五故一爲實一爲
法適相印合蓋自甲至壬之九數卽壬之全數壬之
全數比己多三半之爲一五甲之全數比丙少二半
之爲一合爲二五此去平率而言差故於壬甲之差
八數中減二五爲五五也甲之一爲差上之平率因
合乙丙而半之爲一五是於正數一外多半數壬之
一亦差上之平率因合己庚辛而半之爲二。是於正
數一外多一數并甲壬之正數多數爲三五而化而
歸之於壬是壬之正數一外多二五此連正數平率
以言差故於自甲至壬九數中減三五爲五五也戴

東原訂譌云以四節三節爲分母三升四升爲分子
子母互乘子得上率九下率十六母相乘得十二十
六減九餘七以十二通五節半得六十六爲一升之
率循謂此題本可用齊同法以三互三升爲九以四
互四升爲十六復以三互四之共差二十六爲七十
八四互三之共差三爲十二以九減十六爲七以十
二減七十八爲六十六是爲六十六分之七與數合
蓋六十六者五五之十二倍也七者五八三三三不
盡之十二倍也然依經之術以三除四得一三三三
不盡以四除三得七五相減餘五八三三不盡因除

之不盡乃不用除得之數而用命分以三人四升命

為三分之四以四人三升命為四分之三以四分之

三與三分之四相減得十二分之七

減分術用兩母相乘母子互乘

以互乘此十二分之七以五五除之得差之相去又

因十二分之七不便於除故去其分母之十二而用

分子之七為整數則此七為分子之十二倍矣

五八三三

不盡以十二乘之為七

此為十二倍之實亦必以十二倍之法

除之故以十二乘五五為六十六而以六十六分之

七為相去之差非經文上下率分減之術即互乘齊

同之術也戴氏尚言之未詳耳

三十一
五

餘全數五

二
五

減

減

二
五

減

餘全數五

七
五

減